

L I K A M B O N I N I
W A N A M O K L I S T O A S A L I
L I S U M U ?

ekomami na
NILS OLDBERG

A

10,000 copies printed
1986

L I K A M B O N I N I
W A N A M O K L I S T O A S A L I
L I S U M U ?

Likambo nini ebimi wana Moklisto asali lisumu? (Wana etangi biso "Moklisto" na buku oyo, tozali koloba na ntina na moto oyo asili koyamba Yesu na motema na ye mpe asili kobotama mwana na Nzambe.) Lobiko na ye ebu- ngi? To, ezali ete atikali mwana na Nzambe? Soko bongo, Nzambe akosala na ye boni? Totala makambo motoba oyo makosunga biso kozua biyano na bituneli oyo.

1. MOKLISTO AKOSALAKA LISUMU TE.

Moklisto akosalaka boyengebene. Akotambolaka kati na boyengebene. Tomona Maloba na Nzambe:

"Moto na moto oyo akoumelaka kati na ye akosalaka masumu te...Ye

1

oyo akosalaka masumu auti na Satana...Moto na moto oyo abotami na Nzambe akosalaka masumu te mpo ete momboto na Nzambe ekoumelaka kati na ye. Ye mpe akoki kosala masumu te mpo ete asili kobotama na Nzambe. Bana na Nzambe mpe bana na Satana bakomonana polele na likambo oyo."

1 Yoane 3:6,8-10

Maloba oyo mazali kolakisa ete mwana na Nzambe akoumela na kati na kosala lisumu te. Yango motindo na ye lisusu te. Soko akotikala kosalaka lisumu, ezali polele ete abotami na Nzambe te, nde ete Satana atikali nkolo na ye.

2. KASI, MOKLISTO AKOKI KOKWEYA NA LISUMU.

"Bana na ngai, nazali kokomela bino makambo oyo, ete bosala lisumu te. Nde soko moto nani akosala lisumu, tozali na Molobeli epai na

2

Tata, ye Yesu Klisto, Moyengebeni. Ye azali mpe mbondi mpo na masumu na biso." 1 Yoane 2:1-2

Bongo, ezali polele ete ekoki te mpo na Moklisto kokana kosala lisumu. Asikwi na lisumu mpe ekoki na ye kokweya na lisumu te..."Nazali kokomela bino makambo oyo, ete bosala lisumu te."

Ata bongo, Nzambe asali nzela mpo na Moklisto oyo akwei na lisumu. Ye alobi: "Soko moto nani akosala lisumu." Oyo emonisi polele ete Moklisto akoki kosala lisumu. Ye akoki kokweya na lisumu, ata azali kosalaka yango seko te. Soko akwei na lisumu, nde azali na Molobeli epai na Nzambe, Ye Yesu Klisto. Nkolo Yesu akomi mpe mbondi mpo na masumu na biso. Mpo na bolingo monene na Ye, masumu na mondimi makoki kolimbisama.

Tokanisa moke mpo na mpate mpe ngulube. Potopoto ezali. Mpate abele mi na yango mpe pwasa akwei na ka-

3

ti. Mpo na ngulube, ye asengi kokweya na potopoto te. Emoni ye yango, akei mbango mpe akoti na katikati na yango. Na bongo, ekomi boni na nsima? Mpate akomeka komilongola na potopoto noki, mpe wana elongwi ye na yango, akei na yango mosika. Mpate akotikala kati na potopoto te. Nde, mpo na ngulube, tomoni mpo mosusu. Akotikala na kati na potopoto mpe kosepela na yango. Akomeka komilongola moke te. Azali sikawa na esika ekoki na ye.

Mondimi na solo azali lokola mpate. Akoki kokweya pwaswa kati na lisumu, kasi akomilongola. Alingi kopetwa na makila na Yesu. Wana elongwi ye, akimi potopoto yango.

Moto oyo abiki te azali lokola ngulube. Ntango mosusu akomibwaka na bosoto mpe kolala na yango. Asepeli yango mingi. Esika yango ekoki na ye mpenza. Ngulube aumeli kati na potopoto na ntina ete azali ngulube. Ezali

4

motindo na ye. Ezali bongo na moto na masumu. Na motindo yango, tokoki koyeba ete oyo azali mpate mpe yango ezali ngulube. Bobele boye lokola, tokokoka koyeba ete oyo azali mwana na Nzambe mpe ye wana azali mwana na Satana. Bango mibale bakoki kokota na potopoto, kasi bobele moko akotikala na yango. Moklisto akosalaka lisumu te. Akoumela kati na potopoto yango te. Kokweya na masumu ekomonisa polele te ete moto yango azali kozanga kondima, nde soko akondima koumelaka kati na yango mpe akolinga kolongwa te, tokoki kokanisa solo ete moto yango asili kobika te. Moto na masumu akosalaka masumu. Asepeli na masumu. Kasi Moklisto akoyina lisumu oyo ye asalaki mpe akokima yango, koluka nguya epai na Nkolo ete akweya na kati na yango lisusu te.

3. SOKO MOKLISTO ASALI LISUMU, NZAMBE AKOBWAKA YE TE.

Yesu alobi:

5

"Ye oyo akoyela ngai, nakobwaka ye libanda soko moke te."

Yoane 6:37

Nzambe akobengana yo na libota na na Ye te. Akosala na yo lokola yo ozali mwana na Ye. Bongo, tata akosala boni na mwana na ye? Totala soko Nzambe alobi nini na ntina na oyo:

"Kasi soko bana na ye bakotika Mobeko na ngai mpe bakotambola kati na toli na ngai te, soko bakobuka toli na ngai mpe soko bakotosa mibeko na ngai te, mbe, nakotumbola kopengwa na bango na mpimbo mpe nakobeta bango mpo na mabe na bango. Kasi nakolongola boboto na ngai epai na ye te, soko kolongola solo na ngai epai na ye te. Nakobebisa kondimana na ngai te to nakobongola oyo esili kobima na bibebu na ngai te."

Nzembo 89:30-34

Nzambe akosala nini soko bana na Ye batiki mibeko na Ye mpe batamboli

6

na toli na Ye te? Akobuka kondimana na Ye epai na bango? Akobuka yango soko moke te! Nzambe alobi ete akopesa bango etumbu. Na ntina ete babuki mibeko na Ye akoya na mpimbo epai na bango, kasi akolongola malamuria na Ye epai na bango te. Mosala na Ye na kokokisa bilaka na Ye ekosila te libela na libela. Kasi akokata likambo na ye oyo asali lisumu lokola tata akokata likambo na mwana oyo asili kosala mabe.

Tata akosala nini wana bana na ye babuki toli na ye? Akopesa bango etumbu, boye te? Etumbu yango ekopesa bango mpasi, nde ezali mpo na kobongisa bango. Tata Nzambe akosala pelamoko na tata na biso na mokili oyo. Wana Ye apesi etumbu, yango ekozala makasi mingi ntango mosusu. Ata bongo, akosala yango bobele na ntina ete alingi ye mingi.

Tata malamuri akobengana mwana na ye te to koloba te ete azonga lisusu te.

7

Atikali mwana na ye. Atikali moko kati na libota. Bongo, tata akobongisa ye, soko ebongi, na nzela na etumbu. Nzambe akosala bobele boye na bana na Ye.

Likambo oyo elakisami polele epai mosusu na Maloba na Nzambe:

"Ngai nakozala tata na ye, ye mpe akozala mwana na ngai. Soko akosala mabe, nakopesa ye etumbu na mpimbo na bato mpe na kobetama na bana na bato. Nde boboto na ngai ekolongwa na ye te."

2 Samwele 7:14-15

Bongo, tomoni ete Nzambe azali Tata na biso mpe biso tozali bana na Ye. Soko tosali mabe, akobeta biso. Tokoyoka mpasi na mpimbo. Kasi ata akopesa biso etumbu, Ye akolongola motema molai na Ye epai na biso te. Bisototali bana na Ye. Totikali kati na libota na Ye, mpe Ye akosala na biso lokola bato na libota na Ye.

8

4. LISANGANA EBUKANI MPO NA MASUMU, KASI KOYAMBOLA EKOZONGISA LISANGANA.

"Soko tokoyambola masumu na biso, ye azali sembo mpe moyengebeni mpo na kolimbisa biso masumu na biso mpe kopetola biso na bokesene yonso." 1 Yoane 1:9

Ntango tosali lisumu, lisangana ebukani. Tozali na lisangana mosusu te. Lisumu ekaboli biso na Nzambe. Ntango mwana atosi tata na ye te, atikali na lisangana na ye te, mpe soko alingi ete lisangana ezala, ekoki na ye koyambola mabe oyo ye asalaki mpe kotuna tata kolimbisa ye. Ezali bobele boye ete akokoka kozonga na lisangana na ye.

Bana mingi na Nzambe bazali na lisangana na Ye te. Bazangi esengo mpe kimia bobele na ntina ete bazali kotosa Nzambe te. Bazali kosala te oyo Nzambe alingi bango kosala. Batiki

9

nzela na Ye. Basali masumu epai na Ye. Wana lisangana ebukani, eyano na mabondeli ekozanga. Bobele koyambola mpe kolimbisama ekoki kozongisa lisangana. Wana ekoyambola biso lisumu na biso, Nzambe akolimbisa biso bobele na ntango yango mpenza.

"Makila na Yesu, Mwana na ye, makopetolaka biso na masumu yonso."

1 Yoane 1:7

Bosana te ete Yoane apesi elaka oyo epai na mondimi oyo asili kosala masumu. Soko moto asili kondima Yesu naino te, ekoki na ye kobondela lokola mokongoli na mpako:

"Nzambe, yokela ngai mawa, ngai moto na masumu." Luka 18:13

5. EKOKI NA MOKLISTO KOMISOSOLA.

"Soko nani akolia kwanga soko akomela kopo na Nkolo na motindo mobongi te, azali na ekweli na

10

ntina na nzoto mpe na makila na Nkolo. Tika ete moto amimeka ye mpenza mpe bongo alia kwanga mpe amela kopo. Zambi ye oyo akolia ka mpe akomelaka, akomiliela mpe akomimelela ekweli, soko akososola nzoto te. Yango wana mingi kati na bino bazali na bolembu mpe na malali mpe bamosusu basili kokufa. Soko nde tokomisosola, tokozua ekweli te. Nde wana Nkolo akosambisa biso, tozali kozua etumbu boye ete tokweisama esika moko na mokili te."

1 Bakolinti 11:27-32

Nani akobonga te? Ye oyo atikali na kati na masumu mpe ayamboli yango te. Soko lisumu ezali, ekoki na yo koyambola yango mpe kotika yango. Ekoki ete opetwa mpe olimbisama liboso na koliya Elambo na Nkolo. Nzambe alakisi mondimi ete amimeka ye mpenza. Na maloba mosusu, alobi ete amisosola. Soko mondimi akomisosola te, akomiliela mpe akomimelela ekweli. Li-

11

loba yango, "ekweli", ezali kolakisa ete Nzambe akokata likambo na ye mpe akokweisa ye. Bongo, akopesa ye etumbu.

Nzambe alobi ete oyo ezali ntina ete bana mosusu na Ye bazali na bolembu mpe babeli, mpe ete bamosusu bakufi. Ezali mpo na koloba te ete malali yonso mazali na ntina na masumu. Ezali boye soko moke te. Kasi masumu oyo moto azangi koyambola makoki kozala ntina na bolembo mpe na malali. Nzambe akokata likambo na yo soko okoumelaka kati na masumu. Ye akopesa yo etumbu. Alingi ete ozonga na lisangana na Ye lisusu. Soko amoni ete oboyi koyambola masumu na yo mpe ozali kopesa Ye lokumu te nde ozali koyokisa Ye nsoni, mbele Ye akoki kokamata bomoi na yo lokola. Soko bongo, okotema liboso na Kiti na Kokata Likambo na Yesu Klisto. Malamu ete omimeka yo mpenza; soko te, Ye akokata likambo na yo ntango wana.

Nzambe alobi ete soko tokomimeka biso, Ye akokata likambo yango te. Soko tokososola masumu na biso mpe koyambola yango, Nzambe akolimbisa biso mpe akopesa biso etumbu te. Nzela moko mpo na yo kozanga etumbu ezali lokola tosili koloba mbala na mbala: solo ekoki na yo komisosola. Soko osali boye te, ekokoka na Nzambe kokata likambo na yo. Soko omimeki yo, Nzambe akosenga kokata likambo yango te. Nzela mosusu mpo na kozanga etumbu ezali te: bobele ete oyambola lisumu na yo sikawa ete olimbisama. Boye, okozonga na lisangana na Nzambe.

6. KOTAMBOLAKA KATI NA MOI EZALI KOPETOLAKA BISO.

"Soko tokotambolaka na moi, pelamoko ye azali kati na moi, tokozalanaka na lisangana na biso mpenza mpe makila na Yesu, Mwana na ye, makopetolaka biso na masumu yonso."
1 Yoane 1:7

Totamboli na moi wana tokotosa Nzambe, wana tokotiola makambo na masumu mpe kosala bobele mokano na Nzambe. Moto oyo akotambolaka na moi akopetolama mokolo na mokolo na makila na Yesu.

Yesu alingaki kosukola makaka na Petelo, nde ye aboyaki. Boye, Yesu alobaki na ye: "Soko nasukoli makaka na yo te, ozali kosangana na ngai te." Bongo, Petelo alingaki ete Yesu asukola nzoto na ye mobimba. Kasi Yesu alobaki na ye: "Soko osili kosukolama mobimba mbala moko--soko osili kobongola motema--soko osili kobika--osengi kosukolama lisusu te. Ezali mpo na koloba ete, esengi te ete nasukola nzoto mobimba na yo lisusu. Kasi makaka na yo makomi bosoto mpo ete ozali kotambola na kati na mputulu na nzela mokolo na mokolo. Bongo, esengi ete napetola makaka na yo."

Moninga, yo osili kobikisama. Osili kosukolama mobimba. Yo ozali sikawa

mwana na Nzambe. Kasi mikolo yonso ozali kotambola kati na mokili. Mpo ete otikali naino kati na nzoto, okozua bosoto mpe okosenga kopetolama ntango yonso. Nzambe abongisi nzela mpo na yo. Makila na Yesu Klisto, Mwana na Ye, makopetolaka yo na masumu yonso. Oyo ekobimaka soko okotambolaka kati na moi.

Nalombi yo, bongo, ete omibongola epai na Nzambe na ntango na kosala lisumu mpenza. Ekoki ete osala lisumu te, kasi ntango mosusu okosala yango. Soko ozali mwana na Nzambe, ekoki na yo koyoka mawa mpo na yango noki. Ekoki na yo kotika yango mpe kotuna Nzambe kolimbisa yo. Lisangana na yo na Nzambe ebukanaki, kasi sikawa, mpo na koyambola masumu na yo mpe mpo na kopetolama na makila, ozongisami lisusu na lisangana na Nkolo Yesu Klisto. Osili komimeka yo. Ekokoka na Nzambe kokata likambo na yo te. Soko oboi komisosola, nde okotema liboso na Nzambe ete akata likambo na yo.

Sikawa osili komona soko nini ekobi-
ma wana esali Moklisto masumu. Ese-
ngo mingi ete Nzambe akokisi nzela
mpo na kozongisa biso epai na Ye, ete
Ye asosoli motindo na bato, mpe ete
akobwaka biso te ntango tokwei. Ako-
salela biso lokola bana mpenza na li-
bota na Ye. Tokoki kolimbisama mpe
tokoki kozongisama. Bongo, tokoki ko-
tambola lisusu esika moko na Nzambe.
Bobeles bongo, kimia na Ye ekoki ko-
umela na mitema na biso. Bobeles bo-
ngo, tokozala na lisangana kati na biso
mpe Nkolo Yesu Klisto.